



Aqqalu C. Jerimiassen  
Atassut

UKA 2020/113  
17. november 2020

**Qimmit qimuttut Qeqertarsuarmit 2017 kingorna piaqquiaasut tamarmik DNA-kkut misissortinnissaannik Naalakkersuisut peqquneqarnissaannik Inatsisartuni aalajangiiffigisassatut siunnersuut. DNA-kkut misissuinerup takutissavaa qimminik akusaqalersimansoq. Naalakkersuisut peqquneqassapputtaaq qimminik akusanik nassaartoqarpat, qimmimik akusamik piginnittoq qimmiutini akusaasoq toqukkusunneraa paasiniassallugu.**

(Inatsisartunut ilaasortaq Doris J. Jensen, Siumut)

Sunarujussuaq maanna tikinneqarsimalerpoq qimmit qimuttut Qeqertarsuarmit akuneqarsimaneranilli oqalunneq pilermat.

Ulloq manna tikipparput ajoraluartumik Qeqertarsuarmit qimmit tamarmik pillagaasariaqarnerannik kingunilimmik, tassanilu sulineq pitsaanerusingasariaqaraluartoq isumaqarpugut Atassummiik.

Taamatuttaarlu una siunnersuut Qeqertarsuarmit peqatigiiffimmut ataatsimilluunniit tusarniutigineqarsimanngitsoq peqatigiiffiup allagaani takuneqarsinnaammat, tamanna pillugu ilumut piviusorsiornersoq eqqarsarluartariaqarpugut aalajangilersingata.

Inatsisissatigullu sulit toqqammavissanik amingaatiginartoqartoq mianernartoqartoq ersaripportaaq.

Atagu Qeqertarsuarmit qanimut tusarniaavigineqarniarlik toqqaannaq, Aalisarnermut Piniarnermut Nunalerinermullu ataatsimiitsitaliaq Qimusseq 82-ip allagaani naapikkumaneqartoq malunnarpoq, taannalu aallaavigalugu innersuukkusunnarpoq piviusunngortinnineqapallattariaqartoq.

Taamatut Atassummiik oqaaseqarluta siunnersuutip itigartitsissutigineqarnissaa innersuussutigarpugut.